



Na osnovu članova 2.9 stav (1) tačka 2, 2.2 stavovi (3) i (4) te 2.12 stavovi (2), (3) i (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisije Bosne i Hercegovine je na 29. sjednici, održanoj 06.05.2026. godine, donijela

## U P U T S T V O

### **o izmjenama i dopunama Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini**

#### **Član 1.**

U Uputstvu o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 31/24 i 85/24), u članu 2. stav (1) tačka b), riječ: "ETCS" zamjenjuje se riječju: "ECTS".

#### **Član 2.**

U članu 7. tačka a) iza riječi: "trajanje mandata izabranog člana" dodaju se riječi: "spisak potrebne dokumentacije koju je kandidat dužan dostaviti uz prijavu", a dodaje se nova rečenica koja glasi: "Nadležni organ dužan je obrasce izjava iz člana 14. stav (1) tačke g) i h), koji su sastavni dio ovog Uputstva, učiniti dostupnim kandidatima uz javni oglas, putem internet-stranice i/ili na drugi odgovarajući način."

U istom stavu i tački rečenica: "Nadležni organ imenuje komisiju za provođenje postupka po javnom oglasu (u daljnjem tekstu: konkursna komisija), u čijem sastavu obavezno mora biti najmanje jedan član pravne struke i/ili osoba sa izbornim iskustvom;" se briše.

Iza tačke b) dodaje se tačka c) koja glasi: "Nadležni organ imenuje komisiju za provođenje postupka po javnom oglasu (u daljem tekstu: konkursna komisija), u čijem sastavu obavezno mora biti najmanje jedan član pravne struke i/ili lice s izbornim iskustvom, ako takvo lice postoji u okviru organa koji imenuje komisiju."

#### **Član 3.**

U članu 10. iza stava (7) dodaje se novi stav (8) koji glasi: "Svi članovi konkursne komisije dužni su učestvovati u radu komisije tokom cijelog postupka po javnom oglasu, uključujući razmatranje prijave, provođenje intervjua i bodovanje kandidata."

#### **Član 4.**

U članu 11. stav (1) tačka c) u tabeli nakon riječi: "Predsjednik/zamjenik predsjednika biračkog odbora" dodaju se riječi: "predsjednik tima za otvaranje vreća i brojanje glasačkih listića u cilju objedinjavanja izbornih rezultata".

U stavu (5) nakon riječi: "na izvršeni postupak bodovanja" dodaju se riječi: "u roku od dva dana od obavještenja".

U stavu (6) posljednja rečenica se mijenja i glasi:

"U slučaju da kandidati imaju jednak broj bodova i isto pozicioniranje na rang-listi, nadležni organ vrši izbor između tih kandidata, uzimajući u obzir odredbe člana 2.14 Izbornog zakona Bosne i Hercegovine, izorno iskustvo kandidata prema hijerarhiji iz stava (1) tačka c) ovog člana i rezultate stručnog testiranja. Ukoliko kriteriji iz navedenog reda ne daju jasan rezultat, nadležni organ ima pravo diskrecione ocjene, pri čemu je dužan razloge svoje odluke posebno obrazložiti."

## Član 5.

U članu 14. stav (1) tačka d) mijenja se i glasi:

“d) dokaz o izbornom iskustvu kandidata u smislu člana 2. stav (2) tačke a) do g) ovog Uputstva, i to:

1) za člana izborne komisije – akt o davanju saglasnosti Centralne izborne komisije BiH na imenovanje ili uvjerenje iz službene evidencije koje sadrži podatke o nazivu izborne komisije i mandatnom periodu;

2) za članstvo u biračkom odboru/timu za otvaranje vreća – uvjerenje iz službene evidencije koje sadrži podatke o vrsti i godini izbora, nazivu biračkog mjesta u kojem je kandidat bio imenovan u birački odbor, kao i podatak da je bio angažiran u radu biračkog odbora i obavljao ovu dužnost;

3) za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje – akt o postavljenju na navedenu dužnost ili uvjerenje iz službene evidencije nadležnog organa;

4) za poslove državnog službenika ili zaposlenika u Sekretarijatu Centralne izborne komisije BiH – uvjerenje iz službene evidencije nadležnog organa;

5) Ukoliko nadležni organ ne raspolaže službenom evidencijom o članstvu kandidata u biračkom odboru/timu za otvaranje vreća za određeni izborni period, kandidat može, kao dokaz o izbornom iskustvu, dostaviti svojeručno potpisanu i ovjerenu izjavu, u skladu s članom 173. Zakona o upravnom postupku Bosne i Hercegovine. Izjava može biti korištena kao dokaz samo ako je utvrđeno da nadležni organ ne raspolaže službenim podacima o navedenoj činjenici, što se dokazuje dostavljenom potvrdom nadležnog organa.”

U tački g) nakon riječi: “(Prilog 7)” dodaju se riječi: “svojeručno potpisanu i ovjerenu od strane nadležnog organa.”

U stavu (2) iza riječi: “odmah po prijemu iste.” briše se tačka i dodaju se riječi: “uključujući i kandidate čija je prijava odbačena.”

## Član 6.

Ovo Uputstvo stupa na snagu danom donošenja, a objaviće se u “Službenom glasniku BiH”, “Službenim novinama Federacije BiH”, “Službenom glasniku RS”, “Službenom glasniku Brčko distrikta BiH” i internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-717-1/26

Sarajevo, 06.05.2026. godine

